

✓ कौआ और गुदुपुचु ✓

एगो गाछें एगो कौआ रह-हल। संई गाछेक हेठें एगो गुदुपुचु रानी (लाल पोका) रह-हली। एक दिन कौआक मनें लोभ भइ गेलइ। गुदुपुचु के खाइ खातिर मने-मन कुरचे लागल। गुदुपुचु रानिक नजीकें जाइ के कहलइ-गुदुपुचु रानी, तोरा हम खइबों।

कौआक खल मति सुइन के रानिक मनें भाभना भेलइ। कौआक चेंटे खातिर रानी एगो चाइल खेलली- तोंय यदि हामरा खाइ खोजेहे तबे हामर बात सुन। "तोंय तो बाहर रकमेक जिनिस खइहें। तोर ठोंठ टा जूठा भइ गेल हो। जो आपन ठोंठ टा धोइ के अइबें, तकर बाद हमरा खाइहें।"

रानिक साल्हा सुइन कौआ राजी भइ गेल। मने-मन भाभल जे बेसे कह ही। काहे नॉइ हाम आपन ठोंठ टा धोइ केहीं ओकरा खइबइ तो बसे सवाद लागतइ। एहे भाइब-गुइन के कौआ पानिक नजीक पहुँइच गले आर कहलइ-

देहुँ पनियाँ

धोवब ठोरवा

खाइब गुदुपुचु रनियाँ!

कौआक कथा सुइन पानी कहलइ - "कइसें देबो ? हामर तीन तो कोन्हों जोगाड़ नखो। कुम्हार घर ले चुकरी आने पारबें तो पानी पइबें।"

रानिक साल्हा सुइन के कौआ सोझे कुम्हार घर बाटें सोझाइल आर पहुँइच के कहलइ -

कुम्हारा देहु चुकरी

भोरब पनियाँ

धोवब ठोरा

खाइब गुदुपुचु रनियाँ!

कौआक कथा सुइन के कुम्हारें कहलइ - "सुन कौआ! हमार तीन माटी नखों जो कुकुरेक सींग ले माटी कोइड़ के लइ आनबे ओकर बाद चुकरी बनाइ देबो। सइ चुकरी पानी लइ जибें आर आपन ठोरवा धोइकें गुदुपुचु रानि खइभी।

कुम्हारे बातें सइ कौआ कुकुर तीन पोहंचल आर कहलइ -

कुकरा देहु सिंगला

कोड़ब मटिया
देबइ कुम्हाराक
देतइ चुकरी
भोरब पनियाँ

खाइब गुदुपुचु रनियाँ!

एतना सुइन के कुकरें कहलइ — "हाम बहुत दिन से भूखें हो। हामरा जदि दूध भात खिवे पारबें तबें हम आपन सींग देबो। जो गाय ठीन ले लूध लइ आनबे।"

कुकुरेक कथा सुइन कौआ गायेक खोजाइरें चलल। कुछ धुरेक बाद एगो बुढ़ी गाय देखे पाइल। लखन ओहे गइया ठीन जाइ के कहलइ —

गइया देहुँ दुधा
देबइ कुकराक
देतइ सिंगला
कोड़ब मटिया
देबइ कुम्हाराक
देतइ चुकरी
भोरब पनियाँ
धोवब ठोरा

खाइब गुदुपुचु रनियाँ!

कौआक कथा सुइन के गायें कहली— बहुत दिन से भूखे हों। जदि तोय हमरों हरिहर घांस खिवे पारबें तबें भेले हाम दूध दिये पारबो।

गायेक कथा सुइन कौआ जहाँ खूमे हरिहर घांस रह—हलइ तहीं पोंहइच गेल आर कहलइ—

देहुं घांसा
देबइ गइयाक
देतिक दुधा
देबइ कुकराक
कोड़ब मटिया

देबइ कुम्हराक

देतइ चुकरी

भोरब पनियाँ

धोवब ठोरा

खइबइ गुदुपुचु रनियाँ!

कौआक बात सुइन घांसे कहलइ — कइसें देबो? हामर ठीन काटइक जोगाड़ नखो। जो कामार धार ले हँसुआ लइ आन तब घांस दिए पारबो

कौआक मने त गुदुपुचु रानिक खाइक हुचुक चढ़ल हलइ, जे बुझधें हतइ से हे करब ताओ गुदुपुचु रानिक खाइ के रहब। तखन घांसेक कथा सइन के सइ कौआ कामार धार पोंहँइच गेल आर कामार से कहलइ —

कामरा देहुँ हँसुआ

काटब घांसा

देबइ गइयाक

घर घरना देतइ सिंगला

कोड़ब मटिया

देबइ कुम्हराक

देतइ चुइयाँ

भोरब पनियाँ

धोवब ठोरा

खइबइ गुदुपुचु रनियाँ

कौआ एके गो बातेक रट लागाइ देलइ। तखन कामार सइ लालचाहा कौआक मनेक बात जाइन ओकराँ लालचेक फल दिएइ। बुझध रॉचल आर कहलइ— सुन कौआ! हँसुआ दू रकमेक हवइ गरमां—गरम आर नरमा—नरम। कोन टा तोरा बनाइ देबो। लाल—लाल पारस फूल नियर गुदुपुचु रानिक खाइ खातिर कौआक त छावांइद भइ गेल हलइ से ले कहलइ— “गरमा—गरम बनाइ दे।”

कौआक बात सुइन के कामार मने—मन हॉसल आर कहलइ— “ठीक हइ बइस एखनी बनाइदेबो। एखन कामार चाँड़ा चाड़ी एगो हँसला तातल—तातल बनाइ के कौआक आगुँइ राइख देलइ आर कहलइ—हँसुआ बइन गेलो।”

एतना सुनबाइ आर कौआ दौड़ा-दौड़ी जाइके जइसी हंसुआ ठोर मारल हइ तइसीं ओकर ठोट हदइक उठल हइ। ओकर ठोट त पोइड गेलइ आब गुदुपुचु रानिक कि खइतइ ?

कौआ छटपटइले हुआँ से भागल आर दरदेक मारी हिन्दे-हुन्दे घुरहते रहल। साइझ भेलइ तखन सइ गाछेक डारीं आइ के डरडरान भाभ बइसल।

कौआक दुरदासा देख के गुदुपुचु रानी कहलइ – कि भेलो कौआ? आपन ठोर धोइ के अइलें?” कौआ रानिक बात सुइन के मनै-मन लजाइ गेल आर दोसर बाट मुँह कइर के काँव-काँव करे लागल। हिन्दु गुदुपुचु रानी ओकर करनी टाक देख के बइजइक उठली- रे लालचाहा! देखल्ही आपन लोभेक फल।”

बाभन और भूत

एगो भिखमंगवा पांडे रह-हल। ओकर नाम मनगोविन्द पांडे रहय। लेकिन ऊ पांडे कतनों माँगे ताव ओकर पेट नी भोरं। एक घर मांगे ताउ एके सेर आर दस घर मांगे ताउ एके सेर। एक दिन पांडे पड़ियाइन लड़ला तब पांडे के खायेंहे ले नी दिइयें लागलइ।

रुइस के पांडे आपन घर ले बाहराइ गेल। बिन खइले-पीले चलेहे लागल। चलते-चलते ऊ थकी गेल, तब एगो बगइचा में एगो गाछेक हेंटे बइस गेल आर सोचे लागल कि आइझ राइत हियें सुइत जाब। भूख लागत तखन दू गो आम बिछी के खाइ लेब। आर फइर सुतब। बिहाने जाब। एखन तो हाम चले हे नी पारब। आम खाइल आर सुतल। आधा राइत हेते ओकरा पियास लागलइ तब ऊ गाढ़ा बाटे जाय लागल-पानी पियेले कि अचक्के एक ठिन आइग हदकास देखलइ। तखन ओकर गात सिंहरलद सोचल कि ई तो भूतें आइग जोरे लागल हलथि! बाबा हो आब हाम कहाँ जाइब। एहे तरी सोचल नाइ पनिआ पीके अगिया तापबइ। एकर बाद पांडे अगिया हुआ चली गेल आर कहलइन कि अरे भाइ ओते हेवा तापे-दे।

ओखिन घसकला आर पांडे के अगिया तापे दिये लागला। मुदा ओखिन दुइयों काना फूसी हेवे लागला कि – ई हामिनकेर नाम कइसे जानल? तखने पंडेवा कहलइ कइसे नी जानबो। तोहिन के बिहा हेव हलोन तखन तोर बाप हामर से चाइर काठ धान लानल हल। मुदा ऊ नी धुरावले हे से हाम आइझ माँगे आइल हियोन।